



NATIONAL SENIOR CERTIFICATE EXAMINATION  
NOVEMBER 2020

**SISWATI LULWIMI LWEKUCALA LWEKWENGEA: LIPHEPHA II  
SISWATI FIRST ADDITIONAL LANGUAGE: PAPER II**

**MARKING GUIDELINES**

Sikhatsi: 2½ Emahora

Emamaki: 100

---

**These marking guidelines are prepared for use by examiners and sub-examiners, all of whom are required to attend a standardisation meeting to ensure that the guidelines are consistently interpreted and applied in the marking of candidates' scripts.**

**The IEB will not enter into any discussions or correspondence about any marking guidelines. It is acknowledged that there may be different views about some matters of emphasis or detail in the guidelines. It is also recognised that, without the benefit of attendance at a standardisation meeting, there may be different interpretations of the application of the marking guidelines.**

---

**SIGABA A                      TEMIBHALO**

**UMBUTO 1                      INOVELI**

**BUNGANI BEBANGANI**

- 1.1 Maziya unababili bantfwana/Maziya abenemfati munye/Indlela lagcoka ngayo/Maziya wake wacashwa etimayini/Maziya utsandza intfutuko nemfundvo. (Kubili kwaloku, naleminye imibono lenembako yemukelekile.)
- 1.2 Ute imali leyanele yekuya emhlangeni neyekutsenga esikolweni/ugagadlelwa nguMantjwele/utsengisa tjwala asesemncane/wetayele kukhulumisana nebantfu labadzala. (Kubili kwaloku, naleminye imibono lenembako yemukelekile.)
- 1.3 Sipiwe abefuna kwati kutsi akakhulelwa yini/abefuna kwati kutsi ute yini gcunsula nobe ligciwane le-HIV.
- 1.4 Umphumela weluhlolo bewutsatsa emaviki lamabili. Kuletikhatsi sewutfolakala ngaleso sikhatsi. Bantfu sebayakhona kutentela bona luhlolo emakhaya ngaphandle kwekuya esibhedlela.
- 1.5 Bangani lababi/kungalaleli imiyalo yalabadzala/kugana usafundza sikolwa/kutsatsa tidzakamiva. (Kutsatfu kwaloku, naleminye imibono lenembako yemukelekile.)
- 1.6 Wacoshwa esikolweni ngobe abekhulelwe/wafeyila/kute imali yekumbuyisela esikolweni/uneluswane lolute uyise lekumele alunakekele ngobe Mbongeni wasiphika sisu. (Leminye imibono lenembako yemukelekile.)

## UMBUTO 2 INDZABAMBHALO LEMFISHA

Emaphuzu labangawasebentisa afaka ekhatsi lawa:

- Thuli
  - Unemngani longuSdudla.
  - Uyamyenga kutsi kukahle kukhulelwa usafundza sikolo.
  - Umtjela kutsi indzaba yeligciwane lembulalave ayikho.
  - Umnika emaphilisi nangabe agula ngabogcunsula kunekutsi amkhutsate kutsi aye esibhedlela.
  - Umfundzisa kuba netimfihlo.
  - Umfuma kubantfu labadvuna, umentu liposi lakhe kantsi usesemncane Thuli.
  - Thuli ugcina abona kutsi imali angayakha ngekuya ecasini.
  - Thuli akayi esibhedlela uma agula. Kutiphatsa kwakhe kuyakhomba kutsi akakholwa vele kutsi lendzaba yeligciwane lembulalave ikhona. Ekugcineni kugula kuyamcinisela esibhedlela. Utfola incwadzi lebuya kuSdudla lapho acolisa khona ngekumedukisa kwakhe.
- Sippiwe
  - Umngani waSippiwe nguThuli.
  - Thuli ukhutsata Sippiwe kutsi agane.
  - Umtjela kutsi kukulibala kungakhulumisi bafana, ufuna bakhulume ngebafana njalo nangabe bakanyekanye.
  - Umkhutsata kutsi akujabulele kugibela imoto yaboMandla.
  - Thuli ugabatisela Sippiwe imali lenyenti layiphetse emhlangeni.
  - Sippiwe uyalingeka kubaleka naboThuli baye eHappy Valley.
  - Sippiwe ugcine agana Musa kute atofana nebangani bakhe labaganile.
  - Akatange aphase kahle esikolweni ngemva kwekugana.
  - Watfola gcunsula kuMusa.

Sakhiwo nelulwini: (5)

Lokucuketfwe: (10)

## UMBUTO 3 INKHULUMISWANO

Nankha emaphuzu lekungacocwa ngawo:

- Bayavuselana.
- Bakhuluma ngaloko lababitelwe kona emphakatsi.
- Maziya uveta luvo lwakhe ngemasiko.
- Bhabha uveta luvo lwakhe ngebubi betikolwa.
- Bhabha ukhuluma ngekufundza kwemantfombatana.
- Maziya uveta lwakakhe luvo ngekwendza nemfundvo yebantfu besifazane.
- Bayehlukana.

Bafundzi bangengeta kuloluhla lolungenhla.

Sakhiwo nelulwini: (3)

Lokucuketfwe: (7)

## **UMBUTO 4 INDZABAMBHALO LENDZE**

### **4.1 SIPHIWE**

- Batali baSiphiwe bayakhatsateka ngaye, bayakhuluma kutsi bangamyala kanjani.
- Kuba nesikhatsi lapho bahlangana khona njengemndeni badle babuye bacocisane ngemphilo.
- Siphiwe uyajatjulelwa nangabe ente kahle esikolweni, loko kuyamkhutsata kutsi atimisele.
- Siphiwe abamniki imali lenyenti langayidzingi nangabe aya esikolweni nobe emhlangeni.
- Siphiwe uyakhutsatwa kutsi afundze nobe ayintfombatana.
- UmnakaboVusumuzi naye uyatinika sikhatsi sekuyala Siphiwe.
- Siphiwe uyakhona kubhoboka kumkhula wakhe uma kunalokutsite langakucondzi kahle.
- Siphiwe uyesekeleka ngesikhatsi agula atfole gcunsula. Abamsoli kuphela kodvwa bayamsita kulesimo labhekene naso.
- Siphiwe uyati kutsi akukafaneli aye ecasini naMandla ngobe ufundzisiwe ekhaya.
- Siphiwe akashaywa sonkhe sikhatsi uma onile. Batali bakhe bahle bamkhulumisa.
- Siphiwe bamfundzise nekuthantaza, laye akwente nangabe ayedvwa abhekane nenkinga.
- Siphiwe ufundziswa nekupheka, ufundziswa ngumkhula wakhe.

Bafundzi bangengeta kuloluhla lolungenhla, naleminye mibono lenembako.

### **NOBE**

### **4.2 THULI**

- Kulelikhaya kuhlala kunebantfu labadvuna labete kutonatsa tjwala.
- Uyise waThuli akabi khona onkhe emalanga.
- Thuli ukujwayele kukhuluma nebantfu labadvuna nalabadzala kunaye.
- Thuli uyeswele imali, nangabe bantfu labangasito tihlobo takhe bamupha uyayijabulela.
- Indlu lalala kuyo ayikhiywa, kwenta kutsi Mantjwele angene melula kuleyondlu.
- Kweswelakala kwemabhasi kwenta kutsi boThuli bagibele timoto tebantfu.
- BoThuli babalalisa bodvwa nobe uyise angekho lapho ekhaya.
- Umngani wakhe Sdudla uyamkhutsata kutsi angayi esibhedlela nangabe agula, umnika emaphilisi.
- Uyatati timfihlo taSdudla, nguye liposi.
- Ufundza kutfole imali ngetindlela letingakalungi.

Bafundzi bangengeta ngaletinye tigameko labatitfole endzabeni, besekele.

Sakhiwo nelulwimi: (8)

Lokucuketfwe: (12)

**SIGABA B                      EMATHEKSTHI EMIBHALOMBIKO**

**UMBUTO 5                      INKHULUMO**

**(a)      Lokucuketfwe: (12)**

Inkhulumo kufanele ikhombise kuticambela, ihambisane nesihloko, ibe nemibono lekhutsata kucabanga nalevutsiwe, ihehe.

- Licophelo lekuticambela lingemalengiso, inkhulumo inamatsele esihlokweni, nemibono ikhutsata kucabanga, ivutsiwe futsi iyaheha ngemalengiso. (10–12)
- Lizinga lekuticambela ngalokuncomekako, inkhulumo ihambisana nesihloko nemibono, inekujula kwemcondvo futsi iheha ngalokuncomekako. (07–09)
- Imibono iyajabulisa, inekuticambela lokulingene, ihambisana nesihloko ngalokulingene. (04–06)
- Licophelo lekuticambela liphansi, indzaba iyanhlanhlatsa, imibono ayinamdlandla. (0–05)

**(b)      Lulwimi: (12)**

Kwakha imisho, kukhetsa emagama, umoya nerejista, lupelomagama, kusebentisa timphawu.

- Imisho yakhekhe ngemalengiso, emagama akhetfwe ngalokufanele, umoya nerejista kuhambisana nenhloso netetsamelilwati ngemalengiso, kukhetfwa kwemagama kungemalengiso futsi kuvutsiwe, inkhulumo ayinamaphutsa elupelomagama netimphawu tisetjentiswe ngalokufanele. (10–12)
- Imisho yakheke ngalokuncomekako, kunebugagu ekukhetfweni kwemagama, umoya nerejista kuhambisana nenhloso netetsamelilwati ngalokuncomekako, inkhulumo ayinamaphutsa lamanyenti elupelomagama netimphawu tisetjentiswe ngemphumelelo. (07–09)
- Imisho ingahle ibe nemaphutsa kuletinye tindzawo kepha inkhulumo yona iyevakala, emagama akhetfwe ngalokulingene, kusetjentiswe lulwimi lolumalula, kunemaphutsa lambalwa elupelomagama. (04–06)
- Imisho ihlangahlangene, kukhetfwa kwemagama akwemukeleki, inkhulumo inemaphutsa lamanyenti kakhulu kuto tonkhe tinhlangothi. (0–03)

**(c)      Sakhiwo (6)**

- Sibingelelo (2)
- Sihloko (2)
- Sivaleliso (2)

## **UMBUTO 6**

### **I-IMEYLI (10)**

#### **(a) Lokucuketfwe (4)**

- Kuhambisana nesihloko ngemalengiso. Imininingwane ledzingekako iphelele, iyevakala futsi ichazwe kahle kakhulu.
- Kuhambisana nesihloko ngalokuncomekako. Imininingwane leminyenti ledzingekako iphelele, iyevakala futsi ichazwe kahle.
- Kuhambisana nesihloko ngalokulingene. Incenye yemininingwane ledzingekako ifakiwe, iyevakala futsi ichazwe ngalokulingene.
- Iphumile esihlokweni neminingwane ayivakali.

#### **(b) Sakhiwo (2)**

- Ihleleke yetfulwa ngalokuhehako ngemalengiso, umlayeto ugcamile, wetfulwe ngebunono nangendlela letsintsa imiva ngemalengiso.
- Ayihehi futsi ayikahleleki kahle nemlayeto awukagcami, ayitsandzeki.

#### **(c) Lulwimi (4)**

- Lulwimi loluhehako, lolungenamaphutsa, lolunongiwe luhambelana ne-imeyli netetsamelilwati, umlayeto uvakala ngemalengiso.
- Lulwimi loluhehako lolungenamaphutsa, luhambelana ne-imeyli netetsamelilwati, umlayeto uvakala ngalokuncomekako.
- Lulwimi lolungahehi lolungenamaphutsa, luhambelana ne-imeyli netetsamelilwati ngalokulingene, umlayeto uvakala ngalokulingene.
- Lulwimi lolungahehi lolunemaphutsa, aluhambelani ne-imeyli netetsamelilwati, umlayeto awuvakali.

**Samba: 100 emamaki**